

FEDERATA SPORTIVE E PUNËTORËVË TË KOSOVËS
KOSOVO WORKERS SPORT FEDERATION
FSPK
N. 106 D. 24.11.22
PRISHTINË

S T A T U T I

I FEDERATËS SPORTIVE TË PUNËTORË TË KOSOVËS

Prishtinë,
Nëntor, 2022

Federata Sportive e Punëtorë të Kosovës - FSPK

Bazuar në nenin 27 të Ligjit 2003/24 mbi Sportin të ndryshuar dhe plotësuar me Ligjin 04/L-075 dhe Ligjin 06/L-115 të nenit 20 si dhe të Ligjit 06/L-043 për lirinë e asociimit në organizata joqeveritare, Kuvendi i Federatës Sportive të Punëtorëve të Kosovës, në mbledhjen e vet të mbajtur më 24/11/2022, miratoi këtë:

STATUT

1. Kapitulli I - DISPOZITAT E PËRGJITHSHME

Neni 1

Emri, themeli, përbërja, pasuria dhe adresa

1. **Emërtimi i Federatës është:** Federata Sportive e Punëtorëve të Kosovës. Krahas emrit të plotë, organizata do të funksionoj edhe me akronimin FSPK, ndërkaq në komunikimin ndërkombëtar do të përdoret emërtimi Kosovo Workers Sport's Federation, me akronimin KWSF.
2. **Themeli:** Federata është e themeluar më 12.09.2009
3. **Përbërja:** Federata është shoqatë jo-fitimprurëse. Përbëhet nga klube që janë institucione dhe ndërmarrje nga territori i Republikës së Kosovës (në tekstin e mëtejmë ANËTAR).
4. FSPK, e njohur nga Ministria për Kulturë, Rini dhe Sport (referuar në tekstin e mëtejmë me akronimin MKRS), Komiteti Olimpik i Kosovës (referuar në tekstin e mëtejmë me akronimin KOK) si dhe Konfederata Botërore e Sportistëve Punëtorë/Amatorë (referuar në tekstin e mëtejmë me akronimin CSIT) dhe ka autoritet të plotë në territorin e Kosovës për të gjitha çështjet që kanë të bëjnë me organizimin e garave në disiplina të ndryshme të sportit e që janë në interes të punëtorëve të institacioneve dhe ndërmarrjeve të Kosovës.
5. **Pasuria:** Pasurinë, të ardhurat dhe profitin e vet do t'a përdor për të realizuar qëllimet e veta jo-fitimprurëse dhe fitimin neto nuk do ta shpërndaj në individ. Pasuria, në asnjë formë nuk do të përdoren për përfitime të veçanta individuale, qoftë në mënyrë të drejtpërdrejt apo indirekte për asnjërin nga themeluesit, drejtorin, nëpunësit, anëtarë të shoqatës apo donatorë të OJQ-së. Por, kjo nuk don të thotë se nuk mund të bëhen pagesa për kompensim të arsyeshëm për ata persona që bëjnë punë për interes të Federatës.
6. **Adresa:** Zyra e Federatës është në Prishtinë, Kodra e Diellit, Zona e Lindjes, Lam.1, nr.1.

Neni 2

Parimet e përgjithshme

1. Parimet e FSPK-së janë: uniteti i përgjithshëm në veprim, respektimi i ndërsjellë i anëtarëve në mes tyre, mospranueshmëria e diskriminimit ndaj askujt në baza racore, politike, fetare, gjinore ose në çfarëdo baze tjeter.
2. FSPK do të angazhohet për krijim të një ambienti për punë dhe sport, ku çdo individ do të trajtohet dhe ndihet i respektuar, i dinjitetshëm dhe i pa ngacmuar nga të tjerët. Ai mjesht do të ofron mundësi të barabarta dhe jodiskriminuese për të gjithë.

3. FSPK do të respekton parimet e përgjithshme të qeverisjes së mirë, kodin e etikës dhe rregullat e përgjithshme të anti-dopingut.
4. FSPK bashkëpunon me MKRS-në, KOK-un, CSIT-në, federatat e sportit dhe gjithë institucionet dhe organizatat tjera që FSPK e njojin si autoritet për organizim të garave sportive për punëtorë të institucioneve dhe ndërmarrjeve të Kosovës.

Neni 3
Qëllimet dhe veprimtaria e Federatës

1. Masovizimi i sportit tek punëtorët e institucioneve dhe komapnive të ndryshme në Kosovë dhe promovimi i frysës sportive në garat që organizon FSPK.
2. Ndihma e anëtarëve për realizim të qëllimeve për të cilat janë anëtarësuar në FSPK.
3. Promovimin e aktiviteteve lidhur me realizimin e praktikave më të mira sportive për të dyja gjinitë, duke pasur parasysh moshëm dhe mundësitë e tyre fizike, me qëllimin kryesor të mbrojtjes dhe ngritjes së shëndetit të tyre.
4. Përdorimi i sportit dhe mjeteve tjera për promovim të paqës dhe bashkëpunimit të ndërsjellë në mes punëtorëve dhe formave të tyre organizative.
5. Mbështetja për promovim dhe zhvillim të sportit edhe në ato institucione, ndërmarrje ku një gjë e tillë ështe në nivel jo të kënaqshëm.
6. Ndërtimi dhe kultivimi i marrëdhënjeve të shëndosha brenda anëtarësisë, që nënkupton: miqësinë, solidaritetin, tolerancën, mosdiskriminimin, transparencën, ndershmërinë.
7. Bashkëpunimi me organizata të ngjashme në region dhe më gjërë.
8. Organizimi dhe mbajtja e garave në disiplina të ndryshme sportive, siç janë: futbolli i vogël, basketball, volejboll, ping-pong, shah etj.
9. Përbushja e qëllimeve dhe realizimi i veprimtarisë së FSPK-ës bëhet nga organet e saj, që detyrimisht duhet të janë në përputhje me planin strategjik të zhvillimit, e që nënkupton:
 - a. Organizim i garave kampionale,
 - b. Organizim i garave për kupë,
 - c. Organizim i turnireve të ndryshëm,
 - d. Ndarje e shpërblimeve të ndryshme,
 - e. Pjëmarrje në aktivitetet e MKRS-ës,
 - f. Pjëmarrje në aktivitetet e KOK-ut,
 - g. Pjesëmarrje në gara ndërkombëtare,
 - h. Pjesëmarrje në Kongrese dhe seminare e trajnime të organizuara nga CSIT dhe
 - i. Kryerje edhe të punëve tjera të përcaktuara me Ligjin mbi Sport etj.

Neni 4
Vizioni, Misioni dhe Plani Strategjik

1. *Vizioni* i FSPK-së është masivizimi dhe irritja e bashkëpunimit në aktivitete sportive, në Kosovë dhe jashtë, për anëtarë të vet, punëtorë të institucioneve dhe ndërmarrjeve të Kosovës.
2. *Misioni* i FSPK-ës është promovimi i fryshtave sportive në gara, duke zhvilluar aktivitete sportive konkurente për ndërtim dhe kultivim të marrëdhënjeve të shëndosha në mes të anëtarësisë, që përfshijnë: socializimin, miqësinë, solidaritetin, tolerancën, mosdiskriminimin, transparencën dhe ndershmërinë.
3. Zhvillimi i FSPK-së dhe një qeverisja e mirë bazuar në profesionalizëm, patjetër që bazohet në **planin strategjik 4** vjeçar, plan ky që duhet të jet në harmoni me ciklin olimpik dhe i cili duhet të udhëhiqet nga promovimi i vlerave standarde njerëzore, si: pasioni, integriteti, respekti ndaj tjetrit, rivaliteti, disiplina, profesionalizimi, mosdiskriminimi, transparenca, komunikimi, etj.

2. *Kapitulli II - ANËTARËSIA*

Neni 5

Anëtarët, anëtarësimi, kuota për anëtarësim dhe humbja e të drejtës së anëtarit të Federatës

1. *Anëtarësimi* në Federatë është i hapur për çdo person, pa marrë parasysh racën, gjininë, orientimin seksual, shtetësinë, kombësinë, religionin, moshën ose aftësitë fizike. Anëtarë të Federatës trajtohen të gjithë ata që ushtrojnë veprimtarinë e tyre në Kosovë dhe që janë të regjistruara pranë organeve kompetente të Republikës së Kosovës.
2. Anëtarësimi bëhet me aktin e nënshkrimit të deklaratës për anëtarësim në Federatë.
3. FSPK njeh këto kategori të anëtarësisë:
 - Anëtarët aplikant;
 - Anëtarët kandidat dhe
 - Anëtarët e rregullt.

Anëtarët aplikant janë të gjithë ata që aplikojnë për anëtarësim në FSPK.

Anëtarët kandidat janë të gjithë ata që kanë aplikuar për anëtarësim dhe nga FSPK-ja marrin përgjegje pozitive për anëtarësim në Federatë, por që akoma nuk kanë nënshkruar deklaratën për anëtarësim në FSPK-ës.

Anëtarë të rregullt të FSPK, trajtohen të gjithë ata që kanë aplikuar, kërkesat e të cilave janë miratuar dhe që kanë nënshkruar deklaratën për anëtarësim.

4. Pranimin e anëtarëve të rinjë në Federatë e bënë Kuvendi mbi bazë të propozimit nga KE. Me autorizim të Kuvendit, pranimin numd ta bëj edhe Komiteti Ekzekutiv.
5. Për anëtarët ekzistues, në fillim të çdo edicioni të ri të garave, rikonfirmimin e anëtarësisë e bën Komiteti Ekzekutiv.

Federata Sportive e Punëtorë të Kosovës - FSPK

6. Ndërprerja e anëtarësisë bëhet me anë të njoftimit që anëtari e bën te Sekretari i FSPK mbi ndërprerjen e anëtarësë. Ndërprerja vlen për atë edicion të garave përkatsisht atë vit kalendarik.
7. **Humbja e të drejtës së anëtarësisë** - Anëtari që nuk i respekton rregulloret e FSPK-së, apo që nuk paguan kuotën e anëtarësimit në afatin e përcaktuar me aktet normative të FSPK-së, automatikisht e humb të drejtën e anëtarit në FSPK.
8. Kur anëtari nuk e ka paguar anëtarësinë me kohë, por me shkrim i është drejtuar FSPK-së, përmes së cilës shkresë merr obligim që brenda një periudhe të caktuar kohore do të paguaj obligimet, FSPK mund të merrë vendim që ai do të trajtohet edhe mëtutje anëtarë.
9. **Suspendimi** për një kohë të caktuar nga FSPK, mund të ndodh në rast të mosrespektimit të Statutit të FSPK-së. Kohëzgjatja e suspendimit duhet të përcaktohet në vendimin mbi suspendimin. Suspendimi do të revokohet nga Kuvendi i FSPK-së, atëherë kur anëtari i suspenduar, me shkrim njofton se rregullat e shtruara nga FSPK-ja do t'i respekton dhe zbaton.
10. Në të gjitha rastet, vendimin për pushim të anëtarësisë e merrë Kuvendi me 50%+1 vota PËR.
11. **Kuota për anëtarësim** – Caktimin e lartësisë së kuotës për anëtarësim e bën Kuvendi.

Neni 6 Statusi juridik

1. FSPK-ja është e regjistruar në organin kompetent të Administratës publike për OJQ në Prishtinë, si organizatë jo-fitimprurëse bazuar në Ligjin nr.03/L-134 për lirinë e asiciimit në organizata jo-qeveritare.
2. Përgjegjësia e FSPK-së rregullohet me Ligjin Nr.04/L-030 për përgjegjësinë e personave juridik për vepra penale si dhe Ligjin 04/L-077 për marrëdhënje detyrimore.

Neni 7 Të drejtat e anëtarëve

Anëtarët kanë këto të drejta:

1. Të emërojnë dy(2) përfaqësues në cilësi të delegatit për të marrë pjesë në mbledhje të Kuvendit,
2. Të propozojnë pika të rendit të ditës për mbledhje të Kuvendit të punës apo atij zgjedhor,
3. Të propozoj kandidat për tu zgjedh në organe të FSPK-ës,
4. Të ushtroj të gjitha të drejtat tjera të parapara me Statut dhe aktet tjera të FSPK-ës.

Neni 8 Detyrimet e anëtarëve

Anëtarët (institucioni ose ndërmarrja) kanë këto të detyrime:

1. Të respektojnë Statutin dhe aktet tjera normative të FSPK-së,
2. Të njoftoj FSPK-në me të gjitha ndryshimet që ndodhin në institucionin ose ndërmarrjen e tij e që reflektojnë direkt ose indirekt në punën e FSPK-ës,
3. Të kërkoj nga anëtarët e klubit të institucionit ose ndërmarrjes së tij të respektojnë Statutin dhe aktet tjera normative të FSPK-ës,
4. Të përbushin obligimet financiare të klubit ndaj FSPK-ës.

3. *Kapitulli III – QEVERISJA*

Neni 9 Organet e Federatës

1. FSPK-ja veprimtarinë e vet e ushtron përmes organeve drejturse të veta të themeluara duke u bazuar në Statut.
2. Organet drejtuese të Federatës janë: Kuvendi dhe Komiteti Ekzekutiv.

Neni 10 Kuvendi

1. Kuvendi është organi më i lartë drejtues i Federatës, që përbëhet nga përfaqësuesit e anëtarëve.
2. Kompetencat e Kuvendit janë:
 - a. Miratimi i Statutit, rregulloreve dhe vendimeve të FSPK-ës,
 - b. Miratimi i Planit Strategjik dhe propozimeve për zhvillim të sportit.
 - c. Zgjedhja e Kryetarit, me madat 4 vjeçar,
 - d. Zgjedhja e Komitetit Ekzekutiv, me madat 4 vjeçar,
 - e. Zgjedhja e Këshillit Mbikqyrës, me madat 4 vjeçar,
 - f. Zgjedhja e Komisionit të Apelit, me madat 4 vjeçar,
 - g. Zgjedhja e Komisionit Disiplinor, me madat 4 vjeçar,
 - h. Miratimi i punës së Komitetit Ekzekutiv mes dy kuvendeve,
 - i. Miratimi i raporteve vjetore të Kryetarit dhe Komitetit Ekzekutiv, siç janë rapporti i punës, rapporti finaciar, propozimi i buxhetit, kalendar i garave dhe raporte tjera të KE.
3. Përfaqësimi dhe pjesëmarrja në Kuvend
 - a. Çdo klub ka të drejtë dhe obligim me emëru dy (2) përfaqësues/delegat në Kuvend,
 - b. Përfaqësues/Delegat në Kuvend mund të jet personi që:
 - i. Është i punësuar, që nënkupton se janë të moshës madhore, mbi 18 vjet;
 - ii. Është i deleguar nga institucioni, nërmarrja pëkatëse;
 - iii. Është i shtetas i Republikës së Kosovës dhe
 - iv. Preferohet të jet veprimtar sportiv ose sportist, të mos jet i dënuar/gjykuar dhe të mos ketë ra në kundërshtim me normat etike dhe parimet e Lëvizjes Olimpike.
 - c. Vetëm anëtarët e rregullt/delegatët kanë të drejtën e votës. Një anëtar paraqet një votë.
 - d. Anëtarët e Komitetit Ekzekutiv anëtarët e ndërkit dhe Sekretari i përgjithshëm i FSPK-së lejohet të marrin pjesë në mbledhjen e Kuvendit dhe të flasin por, por nuk kanë të drejtë vote nëse nuk janë delegat.

- e. Anëtarët e komisioneve kanë të drejtë të marrin pjesë në mbledhje të Kuvendit, pa të drejtë për të folur e as votuar, përveç nëse janë delegat.
- f. Udhëheqësi i mbledhjes së Kuvendit, mund të lejoj në mbledhje të Kuvendit të marrin pjesë dhe të flasin edhe të ftuarit special.
4. Mbledhja e Kuvendit mund të zhvilloj punimet nëse ka kuorum, pra kur marrin pjesë më shumë se $\frac{1}{2}$ e numrit të delegatëve.
5. Me punën e Kuvendit udhëheq Kryesia e Kuvendit që përbëhet nga Kryetari dhe Nënkyetarët e Kuvendit.
6. Mbledhjet e Kuvendit janë të rregullta, të jashtëzakonshme, zgjedhore dhe solemne.
7. Kuvendi do të mbaj mbledhje të rregullta së paku një (1) herë në vit.
8. Ftesa për Kuvend të rregullt, duhet t'u dërgohet delegatëve të Kuvendit jo më vonë se 15 ditë para datës së mbajtjes së mbledhjes, ndërsa materiali duhet t'u dërgohet së paku 7 ditë para mbajtjes së mbledhjes së Kuvendit.
9. Kërkesat ose propozimet për mbledhje të Kuvendit, që të trajtohen në mbledhje të Kuvendit, duhet të dërgohen te Sekretari i përgjithshëm jo më vonë se 15 ditë para dates së mbledhjes.
10. Numri i përfaqësuesve/delegatëve të institucioneve ose ndërmarrjeve, do të jetë i barabartë. Të gjithë do të përfaqsohen me nga 2 (dy) delegat në Kuvend.
11. Nëse përfaqësuesi i institucionit/ndërmarrjes e ndërpren marrëdhënjen e punës me institucionin ose ndërmarrjen që e ka deleguar si përfaqësues apo si garues të vetin, automatikisht e humb të drejtën e përfaqësimit apo të garimit për atë institucion apo ndërmarrje.
12. Votimi mund të bëhet kur në mbledhje janë të pranishëm $50\%+1$ e delegatëve me të drejtë vote.
13. Për tu zgjedhur në cilëndo pozitë, kandidati duhet të merr shumicën e thjeshtë të votave.
14. Vendimet në mbledhje të Kuvendit miratohen me shumicë të thjeshtë të votave ($50\%+1$), përveç kur votohet për:
 - a. Ndryshime në Statut, nevoiten $2/3$ e votave të delegatëve dhe
 - b. Shpërbërje të Federatës, nevoiten $4/5$ e votave të delegatëve.
15. Votat e hedhura mund të janë PËR ose KUNDËR. Bazuar në Ligjin për Procedurën e Përgjithshme Administrative, abstenimi llogaritet votë KUNDËR.
16. Në rastet kur rezultati është i barabartë, vota e udhëheqësit të Kuvendit është përcaktuese.
17. Votimi mund të bëhet me ngritje të dorës, pajisje elektronike ose me votim të fshehtë, ashtu siç vendosin delegatët e Kuvendit.
18. Në rast të votimit të fshehtë, Kuvendi duhet të themelon Komisionin verifikues prej tre (3) delegatëve. Komisioni duhet të siguroj fletëvotimet, kutinë e votimit (duhet të jet transparente), të bën numrimin e votave dhe të bën shpalljen e rezultatit të votimit.
19. Mbledhjen e rregullt të Kuvendit e thërret dhe me te kryeson Kryetari.

Federata Sportive e Punëtorë të Kosovës - FSPK

20. Mbledhjen e jashtëzakonshme të Kuvendit mund ta thërret Kryetari, Komiteti Ekzekutiv ose 1/3 e anëtarëve me të drejtë vote ose edhe Këshilli Mbikqyrës.
21. Kërkesa për thirrje të mbledhjes së Kuvendit dorëzohet te Sekretari i përgjithshëm.
22. Mbajtja e mbledhjes duhet të ndodhë brenda tre (3) javësh nga parashtrimi i kërkesës.
23. Mënyra e punës së Kuvendit, rregullohet me rregulloren e punës së Kuvendit.
24. Kuvendi, me propozim të Komitetit Ekzekutiv, mund të revokon anëtarin e KE para skadimit të mandatit për të cilin është zgjedhur, nëse ai nuk e ushtron detyrën e tij në harmoni me dispozitat e këtij Statuti dhe me vendimet e Komitetit Ekzekutiv dhe të Kuvendit.
25. Kuvendi ka të drejtë të revokon edhe Komitetin Ekzekutiv në tërësi, kur në punën e tij vëren: neglizhencë, njohuri të pamjaftueshme për kryerje të detyrave që janë të përcaktuara nga Kuvendi, pengon punën dhe veprimtarinë e Kuvendit përkatësisht pamundëson ose pengon zbatimin e politikës zhvillimore të Federatës.
26. Në rast të kalimit të misionit të mosbesimit të organeve ekzekutive, Kuvendi cakton një komision për organizim të zgjedhjeve të jashtëzakonshme brenda afatit prej 30 ditësh.

Neni 11
Komiteti Ekzekutiv

1. Komiteti Ekzekutiv (në tekstin e mëtejshëm KE) është organ drejtues dhe ekzekutiv.
2. KE udhëheq me punën e Federatës në mes të dy mbledhjeve të Kuvendit, dhe çdoherë duhet të veprojë në harmoni me qëllimet e Federatës.
3. Mbledhjet e KE-së i thërret kryetari, e në mungesë të tij nënkyetari ose njëri nga anëtarët e KE-së i autorizuar nga kryetari.
4. Mbledhjet janë të rregullta dhe të jashtëzakonshme. Mbledhjet e jashtëzakonshme thirren nëse një gjë të tillë e kërkon shumica e thjeshtë e anëtarëve të Kryesisë.
5. KE mbanë mbledhje sipas nevojës por, më së paku një herë në 3 muaj.
6. Kundër vendimeve të KE-së, mund të bëhet ankesë në Komitetin e Apelit, si organ i shkallës së dytë, jo ma vonë se tridhjetë (30) nga dita e pranimit të vendimit.
7. Komiteti i Apelit, është i obliguar të zgjidh ankesën brenda tridhjetë (30) ditëve.
8. KE, për punën e vet, i jep llogari Kuvendit të FSPK-ës.
9. KE numëron 7 anëtarë. Përbëhet nga: Kryetari i Federatës (që zgjedhet me procedurë dhe votim të veçantë), dy (2) nënkyetarët dhe katër (4) anëtarë tjerë.
10. Kuvendi, pasi të zgjedhë Kryetarin, zgjedh gjashtë (6) anëtarë të Komitetit, prej të cilëve, dy (2) anëtarë i emëron Kryetari i FSPK-ës. Anëtarët e KE-së duhet të jenë delegatë të Kuvendit.
11. KE zgjedhet me mandat 4 vjeçar, me mundësi të rizgjedhjes edhe për një mandate.
12. Kryetari i KE-së, që është edhe Kryetar i Federatës, përfaqëson Komitetin dhe Federatën.
13. Kryetari i KE-së nënshkruan vendimet e Komitetit.

14. Puna dhe vendimmarja në Komitet, rregullohen me rregullore të veçantë të punës së KE-së.

15. Fusha e veprimitarise së Komitetit përfshinë:

- a. Përpilon Statutin dhe i propozon Kuvendit për miratim.
- b. Përgatit mbledhjet e Kuvendit dhe materialin për ato mbledhje.
- c. Ekzekuton vendimet e nxjerra nga Kuvendi.
- d. Përpilon planin e punës dhe planin finansiar të Federatës.
- e. Vendos për anëtarësimin e FSPK-ës në organizata tjera.
- f. Lidhë marrëveshje bashkëpunimi.
- g. Përcakton aktivitete dhe procedura të brendshme.
- h. Emëron Drejtorin përfaqësues të FSPK-ës.
- i. Harton planin strategjik të FSPK-ës.
- j. Paraqet propozime dhe rekomandime për Kuvend.
- k. Miraton propozimin për organizim të garave ndërkombëtare.
- l. Cakton lartësinë e pagesës për mjekun, gjyqtarë/referë dhe vëzhgues të ndeshjeve.
- m. Nxjerrë vendime për vendin (fushën) e mbajtjes së garave (nëse nuk vendoset ndryshe).
- n. Cakton lartësinë e kompenzimit për shfrytëzim të fushës për mbajtje të garave.
- o. Vendos për pranim të punëtorëve të administratës së Federatës.
- p. Vendos për blerjen e inventarit e materialit tjeter shpenzues për nevoja të FSPK-së dhe
- q. Merrë vendime tjera që nuk janë në kompetencë të Kuvendit.

16. Përgjegjësitë e Kryetarit të FSPK-ës (që është edhe Kryetar i Komitetit Ekzekutiv), janë:

- a. Udhëheq me mbledhjet e Kuvendit dhe të Komitetit Ekzekutiv.
- b. Nënshkruan aktet e përgjithshme të miratuara në Kuvend apo në Komitet dhe kujdeset për zbatimin e qëndrimeve, vendimeve dhe rekomandimeve të Kuvendit dhe Komitetit.
- c. Angazhohet për të siguruar marrëdhënje pozitive me anëtarësi, media, sponsorë, donator, MKRS, KOK, organizata tjera vendore dhe ndërkombëtare.
- d. Kryen edhe punë tjera që janë në interes të Federatës.

17. Mandati katër (4) vjeçar i Kryetarit mund të ndërpritet kur:

- a. Ndërron ose e humb shtetësinë.
- b. Jep dorëheqje nga pozita.

- c. E humb votëbesimin në Kuvend.
- d. Nëse dënohet me aktgjykim të formës së prerë për vepër penale ose
- e. Për ndonjë arsyе tjetër nuk mund ta vazhdon ta kryen detyrën.

18. Nëse Kryetari jep dorëheqje ose nuk është në gjendje të vazhdoj detyrën e tij, do të zëvendsohet nga nënkyetari i parë, që duhet organizoj zgjedhjet e jashtëzakonshme brenda 30 ditësh.

19. Mandati i Kryetarit të zgjedhur me zgjedhje të jashtëzakonshme, do ta ushtron detyrën për aq kohë sa ka mbetur mandat nga Kryetari paraprak në mënyrë që zgjedhjet të mbahen mbi bazë të ciklit olimpik.

20. Mandati i Komitetit është i lidhur me mandatin e Kryetarit.

21. Kryetari ka të drejtë dhe obligim ta nominoj një anëtar të ri në cilindor organ të zgjedhur nga Kuvendi nëse mbetet vendi i zbrazët (vakant). Ky anëtar, do të ushtron detyrën e tij deri në mbedhjen e radhës së Kuvendit.

22. Për pozitën e Kryetarit të FSPK-ës, mund të kandidoj personi që i plotëson këto kritere:

- a. Të jetë shtetas i Kosovës.
- b. Të ketë përgatitje shkolllore superiore.
- c. Të mos ketë rënë në kundërshtim me normat etike dhe morale të Lëvizjes Olimpike dhe të mos jet i dënuar me vendim të formës së prerë për vepër penale.
- d. Preferohet të jet veprimtar sportiv ose sportist dhe
- e. Preferohet të ketë njohuri elementare të gjuhës angleze.

23. Për Kryetar mund të propozohet kandidati që paraprakisht ka siguruar 5 vota të delegatëve.

24. Shkarkimi i Kryetarit bëhet në mënyrën dhe procedurën e njejtë sikur zgjedhja e tij.

Neni 12 Këshilli Mbikqyrës

1. Këshilli Mbikqyrës përbëhet prej 3 anëtarëve.
2. Zgjidhet nga Kuvendi me mandat 4 vjeçar, me të drejtë të rizgjedhjes edhe për një mandate.
3. Anëtar i Këshillit Mbikqyrës nuk mund të jetë anëtar i organeve dhe trupave tjera të FSPK.
4. KE dhe të gjitha organet tjera të Federatës, janë të obliguara që Këshillit Mbikëqyrës t'i mundësojnë mbikëqyrjen në punën e tyre.
5. Këshilli Mbikëqyrës ka për detyrë me përcjellë punën e organeve të Kuvendit në mes të dy Kuvendeve dhe mbikëqyrë afarizmin financiar të Federatës.
6. Identifikon rreziqet e mundshme dhe propozon masa për eliminimin e tyre.
7. Verifikon raportin vjetor finaciar para se i njejti të dërgohet në Kuvend.
8. Këshilli Mbikëqyrës, për punën e vetë, i raporton Kuvendit të FSPK-ës.

9. Shkarkimin e anëtarit të Këshillit ose edhe tërë Këshillin Mbikqyrës e bën Kuvendi.
10. Mënyra e punës së Këshillit Mbikëqyrës përcaktohet me Rregulloren mbi punën e Këshillit.

**Neni 13
Komisionet**

1. FSPK-ja ka: Këshillin Mbikqyrës, Komisionin Disiplinor dhe Komisionin e Apelit. Gjithë këto organe i zgjedh Kuvendi.
2. Këto trupa të Kuvendit, kanë për detyrë të merren me aspekte të veçanta të aktiviteteve dhe të këshillojnë KE-në dhe Sekretarin e Përgjithshëm për çështje praktike dhe organizative që lidhen me aspektet e aktiviteteve të FSPK-ës, për të cilat janë përgjegjës.
3. Komiteti Ekzekutiv ka autoritet të ndërtoj komisione tjera për çështje praktike siç mund të janë:
 - a. Komision i garave,
 - b. Komisioni për akte normative,
 - c. Komisioni për regjistrim,
 - d. Komisioni për marrëdhënje ndërkombëtare etj.
4. Kryetari i secilit komision, duhet t'i paraqes KE-së raport vjetor të aktiviteteve.

**Neni 14
E drejta për kandidim**

1. Nominimet për Kryetar të FSPK-ës, anëtarë të KE-së, Këshill Mbikqyrës, Komisionit të Apelit dhe Komision Disiplinor, mund të bëhen vetëm nga anëtarët e regjistruar.
2. Një anëtar mund të nominoj vetëm një kandidat për një organ të FSPK-ës.
3. Anëtar që nuk ka të drejtë vote, nuk e ka të drejtën e nominimit.
4. Personi që është dënuar me ndonjë aktgjykim të formës së prerë për vepër penale, nuk ka të drejtë të kandidohet për asnjë pozitë në kuadër të organeve të FSPK-ës.

**Neni 15
Konflikti i interesit**

1. Anëtarët e një organi të FSPK-ës duhet të shmangin çdo situatë që mund të jet një konflikt i interesit ose që mund të përceptohet si konflikt i interest. Për çdo konflikt të përceptuar të interesit, individi duhet të ndërmerrë veprime për menjanimin e të njejtë. Pra, është përgjegjësi personale e individit të shmang rastet e konfliktit të interest.
2. Kryetari, Anëtarët e KE-së dhe Sekretari i Përgjithshëm, nuk mund të janë në të njejtën kohë edhe Kryetar të klubit që është aktiv në Federatë.
3. Në rast të paraqitjes së konfliktit të interest, deri në nxjerje të rregullores së veçantë, do të zbatohen dipozitat e ligjeve pozitive në vend që regullojnë këtë materje.

Neni 16
Mirësjellja ose sjellja e duhur

1. Të gjithë anëtarët e organeve vendimmarrëse të FSPK-ës duhet t'i kryejnë detyrat e tyre në mënyrën e duhur, të pavarur e të pandikuar, për të mirat e sportit në kuadër të Federatës, duke mos marrë në konsideratë interesat e veçanta.
2. Për këtë qëllim, Federata ka të përpiluar dhe të miratuar Kodin e Etikës.

Neni 17
Stafi menaxhues administrativ

1. Është e drejtë dhe obligim i KE-së të rekruton personelin administrativ dhe të lidh marrëdhënje të punës me ta në harmoni me Ligjin e punës.
2. FSPK-ja e rekruton Sekretarin e Përgjithshëm në mbledhje zgjedhore të Kuvendit, me mandat katër (4) vjeçar me mundësi të vazhdimit edhe për një (1) mandat tjetër.
3. Detyrat e Sekretarit janë:
 - a. Sigurimi i kryerjes së punëve dhe aktiviteteve duke u bazuar në ligjshmëri.
 - b. Përkujdeset për zbatim të vendimeve dhe rekomandimeve të Kuvendit dhe Komitetit.
 - c. Përcjell realizimin e planit finaciar, duke u bazuar në vendimet e Komitetit Ekzekutiv.
 - d. Përcjell realizimin e planit strategjik të FSPK-ës.
 - e. Komunikon me MKRS, KOK, CSIT dhe organizatat tjera vendore e ndërkombëtare.
 - f. Përgatitja me kohë e materialeve për mbledhje të Kuvendit dhe të Komitetit Ekzekutiv.
 - g. Merr pjesë dhe ndihmon në punët e trupave punues të FSPK-ës.
 - h. Përgatit materialet për proces të kategoriimit.
 - i. Përgatit materialet për raportim dhe mbyllje të kësteve tremujore (TM-ve) në MKRS.
 - j. Mbikqyrë aktivitetet në gara, përpilon butelinët dhe i publikon rezultatet e garave.
4. Matjen e performances së Sekretarit e bën Komiteti Ekzekutiv.

Neni 18
Administrata

1. Dokumentacioni, procedurat, korespondenca e komunikimi do të zhvillohen në gjuhën shqipe.
2. Administrata ka për obligim që materialin që duhet të dërgohet në CSIT, ta përgatit në gjuhën angleze.
3. Në raste të caktuara, kur vlerësohet se dokumentacioni në gjuhën angleze duhet të jet në nivel të lartë, përgatitja e dokumentacionit mund t'i besohet një agjencioni të specializuar, me të cilin lidhet kontratë për kryerje të punëve specifike.

4. **Kapitulli IV – PËRFAQËSUESJA E KOSOVËS**

Neni 19 Ekipet përfaqësuese në gara ndërkombëtare

1. Me qëllim të përm bushjes së objektivave të parashtruara për arritje të rezultateve kulminante në arenën ndërkombëtare, FSPK-ja formon ekipet përfaqësuese (në tekstin e mëtejmë: Përfaqësuesja).
2. Udhëheqja e ekipit përfaqësues të Kosovës është në kompetencë të Nën kryetarit të FSPK-ës, i ngarkuar për çështje të sportit.
3. Nën kryetari bën propozimin e shtabit profesional dhe të njejtin ia propozon Komitetit Ekzekutiv për vendimmarrje.
4. Komitetit Ekzekutiv, me vedin të veçantë, të bazuar në propozimin e Nën kryetarit për çështje të sportit, për punë profesionale në ekipin përfaqësues, angazhon trajnerin, ndihmësin e trajnerit dhe personelin tjeter të nevojshëm;
5. Vendimi i Komitetit Ekzekutiv përcakton të drejtat dhe obligimet e trajnerit, ndihmësit të tij dhe të personelit tjeter të angazhuar.

5. **Kapitulli V – DISPOZITAT KONTRAKTUALE DHE FINANCIARE**

Neni 20 Dispozitat që rregullojnë çështjet e kontratave

1. Varësish nga rëndësia dhe vlera e kontratës, Komiteti Ekzekutiv vendos se kush do të bën nënshkrimin e saj.
2. Për ekzekutimin e pagesave me vlerë mbi 500.00 euro, kërkohet edhe autorizimi i Kryetarit ose i Nën kryetarit kur është duke zëvendësuar Kryetarin.

Neni 21 Dispozitat që rregullojnë sferën e financave

1. Viti finanziar zgjat nga 1 janari deri 31 dhjetori;
2. Llogaritë dhe raportet financiare mbahen në euro dhe menaxhohen në harmoni me standartet e kontabilitetit të zbatueshme në Kosovë dhe po ashtu, në harmoni me Ligjin mbi Menaxhimin e Financave Publike.
3. Sekretari obligohet të përgatis raportin vjetor finanziar i cili pasi të miratohet nga Komiteti Ekzekutiv, kontrollohet nga Këshilli Mbikqyrës dhe i paraqitet Kuvendit për miratim final.
4. Raporti finanziar, pasi të miratohet në Kuvend, duhet të auditohet nga një auditor i jashtëm i pavarur e që është i certifikuar, më së voni deri më 31 mars të vitit pasues për vitin paraprak.
5. Llogaria bankare e hapur në një të nga bankat komeriale, me vendim paraprak të Komitetit, mund të përdoret vetëm nga Sekretari i Përgjithshëm dhe Kryetari.

Neni 22
Dispozitat që rregullojnë kontrollin e brenshëm

1. Këshilli Mbikqyrës e ka për detyrë të bën monitorimin dhe vlerësimin e brendshëm lidhur me zbatimin e ligjshmërisë dhe të akteve normative mbi bazë të cilave funksionon FSPK.
2. Këshilli duhet të paraqet në Kuvend një raport vjetor të aktiviteteve dhe të bën rekomandime.

Neni 23
Kuotizimi

1. Lartësia e kuotës propozohet nga Komiteti Ekzekutiv kurse miratohet nga Kuvendi.
2. Secili anëtarës i obligeuar ta kryej pagesën e kuotës vjetore ashtu siç përcaktohet nga Komiteti.
3. Nëse një anëtarës i obligeuar apo i pezulluar nga Kuvendi dhe që ka borxhe financiare apo ka asete të Federatës në shfrytëzim, i obligeuar t'i paguaj obligimet financiare ose t'i kthej asetet më së largu 30 ditë nga i ndërprerjes së anëtarësimit në FSPK.

6. *Kapitulli VI – TRANSPARENCA DHE PUNA PUBLIKE*

Neni 24
Transparenca dhe puna publike

1. Veprimtaria dhe puna e FSPK-ës janë transparente dhe publike.
2. Komiteti Ekzekutiv merr vendime për klasifikim të informacioneve dhe obligeohet Sekretari i Përgjithshëm të zbatoj ato vendime.
3. Komiteti Ekzekutiv merr vendim edhe lidhur me mbrojtjen e të dhënave personale në harmoni me Ligjin mbi mbrojtje e të dhënave personale dhe obligeohet Sekretari i Përgjithshëm të zbatoj këtë vendim.
4. Puna publike e FSPK-ës bëhet përmes këtyre hapave duke mos u limituar vetëm në to:
 - a. Informimit të komunitetit sportiv dhe qytetarët mbi punën dhe afarizmin e FSPK-ës.
 - b. Publikimin e dokumenteve në faqen zyrtare të FSPK-ës: www.fspk-kos.org
 - c. Publikimin e aktiviteteve në TV, radio dhe në rrjetet sociale.
 - d. Dërgimin e materialeve përmes formës elektronike te organet e FSPK-ës për shqyrtim.
 - e. Organizimin publik të garave, takimeve, seminareve dhe të ngjarjeve tjera.
 - f. Organizimin e konferencave për shtyp etj.

7. Kapitulli VII – MIRËNJOHJET, SHPËRBLIMET DHE LAUREATËT

Neni 25

Mirënjohjet, shpërblimet dhe shpallja e laureatëve

1. FSPK-ja ndan mirënjohje dhe shpérblen të gjithë ata që japid kontribut të veçantë në Federatë.
2. FSPK-ja në baza vjetore bën shpalljen e laureatëve.
3. Komiteti Ekzekutiv përcakton llojin dhe nivelin e shpërblimit për laureatët e zgjedhur.
4. Në mungesë të rregullores së veçantë, me vendim të KE-së, përcaktohen procedurat, kushtet, mënyra e propozimit dhe miratimit të kandidatëve si dhe lloji dhe niveli i shpërblimit.

8. Kapitulli VIII – E DREJTA NË MJETET JURIDIKE

Neni 26

Organet vendimmarrëse

1. Organet e FSPK-ës që kanë kompetenca vendimmarrëse janë:
 - a. Kuvendi,
 - b. Komiteti Ekzekutiv,
 - c. Komisioni Disiplinor dhe
 - d. Komisioni i Apelit.

Neni 27

Komisioni Disiplinor

1. Përbëhet pre tre (3) anëtarëve.
2. Çdo anëtar i FSPK-ës, që bien në kundërshtim me detyrat e përcaktuara me aktet normative, përgjigjet para Komisionir Disiplinor, mbi bazë të hapjes së procedures disiplinore.
3. Kërkesën për nisje të procedures disiplinore ka të drejtë dhe mund ta bën secili anëtar i Kuvendit, anëtarët e Komitetit Ekzekutiv, anëtarët e ekipeve përfaqësuese, anëtarët e Administratës, të komiteteve apo të komisioneve.
4. Komisioni Disiplinor vepron duke u bazuar në Kodin Disiplinor të FSPK-ës.
5. Kundër vendimit të Komisionir Disiplinor mund të bëhet ankesë në Komitetin e Apelit në afatin prej tridhjetë (30) ditëve nga dita e pranimit të vendimit.
6. Ankesa e paraqitur nuk e pezullon ekzekutimin e vendimit.
7. Komiteti i Apelit është i obliguar që ankesën ta zgjidh në afatin prej tridhjetë (30) ditë nga dita e pranimit të vendimit.
8. Në rast se anëtarë të cilët i është ndërpren mandati para skadimit të afatit për të cilin është zgjedhur ka qenë anëtar i Komisionit Disiplinor, Kryetari i FSPK-ës e zgjedh një anëtar të ri, mandati i të cilët zgjat deri në mbledhjen e radhës së Kuvendit.

**Neni 28
Komision i Apelit**

1. Komision i Apelit përbëhet nga tre (3) anëtarë të zgjedhur në Kuvend.
2. Preferohet që anëtarët e K.të Apelit të kanë arsimim juridik ose përvojë në çështje juridike.
3. Vendimet e Komisionit të Apelit janë përfundimtare.
4. Anëtar i Komisionit të Apelit nuk mund të mbaj ndonjë pozicion tjetër në organet e FSPK-ës.
5. Komision i Apelit vepron duke u bazuar në Rregulloren përkatëse të Komisionit të Apelit.
6. Në rast se anëtar i cilit i është ndërpren mandati para skadimit të afatit për të cilin është zgjedhur ka qenë anëtar i Komisionit të Apelit, Kryetari i FSPK-ës e zgjedh një anëtar të ri, mandati i të cilit zgjat deri në mbledhjen e radhës së Kuvendit.

**Neni 29
Zgjidhja e mosmarrëveshjeve për Sport dhe Anti-doping**

1. Në rast se ndonjë klub, sportist i ndonjë klubi ose edhe anëtar organeve të Federatës ose i Administratës konsideron se i janë shkelur të drejtat e tij/saj nga FSPK-ja edhe pas shfrytëzimit të të gjitha mjetave juridike brenda FSPK-ës, ka të drejtë që në përputhje me Ligjin përkatës për Sport të ushtroj ankesë në MKRS.
2. Pasi të shfrytëzon të gjitha mjetet juridike të përcaktuara në paragrafin një (1) të këtij nenii, pala e pakënaqur ka të drejtë t'i drejtohet Komisionit të Arbitrazhit Sportiv të Komitetit Olimpik të Kosovës, me seli në Prishtinë.
3. Agjencioni i Kosovës për Anti-doping njihet nga FSPK si organ përfundimtar për të gjitha çështjet e hapura apo të ngritura lidhur me Anti-dopingun që mund të ndërlidhen me FSPK-në.

9. Kapitulli IX – DISPOZITAT PËRFUNDIMTARE

**Neni 30
Shpërbërja**

1. Shpërbërja e FSPK-ës mund të bëhet kur në mbledhje të Kuvendit marrin pjesë dy të tretat (2/3) e delegatëve me të drejtë të votës dhe katër të pestat (4/5) e tyre votojnë PËR.
2. Në rast të shpërbërjes së FSPK-ës Kuvendi vendos se cilës shoqatë apo fondacion në Kosovë do t'i bartet pasuria e Federatës, pasi të janë paguar borxhet e Federatës.
3. Preferohet që shoqata ose fondacioni të cilit do t'i bartet pasuria, të ketë qëllime të njejta ose të ngjashme me ato të Federatës.

Neni 31
Dispozitat përfundimtare

1. Ndryshimet dhe plotësimet e Statutit bëhen sipas procedurave të parapara për miratimin e tij.
2. Të gjitha aktet normative do të harmonizohen me këtë Statut.

Neni 32
Hyrja në fuqi

1. Ky Statut hynë në fuqi në ditën e miratimit të tij nga Kuvendi dhe me këtë shfuqizohen të gjitha variantet e deritanishme të Statutit.

Prishtinë, 24/11/2022


Ismail Sadiku
Kryetar i FSPK-ës

